

# UGOVOR

Br: 0602-1876-20/19

o nabavci 6 dodatnih licenci GIS Axiom Memento za upravljanje grobljima

**UGOVORNI ORGAN:** KJKP "POKOP" d.o.o. Sarajevo, Mula Mustafe Bašeskije 38, kojeg zastupa direktor Goran Cerić (u daljem tekstu: Ugovorni organ)  
ID broj: 4200119040004; Porezni broj PDV: 200119040004.

**DOBAVLJAČ:** "AXIOM" d.o.o. Čakovec, Bana J. Jelačića 22b, kojeg zastupa direktor Jerko Spahija (u daljem tekstu: Dobavljač)  
OIB: 07795389714.

## UVODNE ODREDBE

### Član 1.

Ugovorne strane sklapaju ovaj Ugovor na osnovu provedenog postupka javne nabavke – Pregovarački postupak bez objave obavještenje br: 0602-1876-5/19 od 02.07.2019. godine - nabavka 6 dodatnih licenci GIS Axiom Memento za upravljanje grobljima, Odluke o odabiru najpovoljnijeg Dobavljača, broj: 0602-1876-18/19 od 23.07.2019. godine, i prihvaćene ponude Dobavljača broj 0602-1876-16/19 od 23.07.2019. godine, koja je sastavni dio ovog Ugovora.

## PREDMET UGOVORA

### Član 2.

Predmet ovog Ugovora je nabavka 6 dodatnih licenci GIS Axiom Memento za upravljanje grobljima, prema prihvaćenoj ponudi dobavljača i prema zahtjevima Ugovornog organa.

## UGOVORENA CIJENA

### Član 3.

Ugovorena cijena za nabavku i isporuku roba iz člana 2. ovog Ugovora iznosi:

Cijena roba koja su predmet ovog Ugovora bez PDV-a iznosi 18.999,96 KM.

## PLAĆANJE

### Član 4.

Ugovorni organ će plaćanje cijene iz člana 3. ovog Ugovora izabranom Dobavljaču izvršiti u roku do 30 (trideset) dana nakon prijema uredno ispostavljene fakture za isporučenu robu, na transakcijski račun naznačen na fakturi.

Dobavljač je dužan izdati/sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ, ni onda kada je fakturu primio, a nije joj prigovorio.

## ROK REALIZACIJE

### Član 5.

Dobavljač se obavezuje da će isporuku robe definisane članom 2. ovog Ugovora vršiti kontinuirano prema potrebama Ugovornog organa, najkasnije u roku od 7 (sedam) dana od momenta prijama pismene narudžbe.

Mjesto isporuke roba je Sarajevo.

## UGOVORNA KAZNA

### Član 6.

U slučaju kašnjenja u isporuci roba do kojeg je došlo krivicom odabranog ponuđača isti će platiti ugovornu kaznu u skladu sa Zakonom o obligacionim odnosima u iznosu od 1‰ promil naručene robe za svaki dan kašnjenja do urednog ispunjenja, s tim da ukupan iznos ugovorne kazne ne može preći 10% od ukupno ugovorene vrijednosti robe koja je predmet narudžbe.

Odabrani ponuđač je dužan platiti ugovornu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovornu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao utjecati niti ih predvidjeti.

## GARANCIJE

### Član 7.

Dobavljač garantuje da će roba definisana članom 2. ovog Ugovora biti kvalitetna, prema datom Obrascu ponude, isporučena u roku, i da je roba prve klase.

Date reklamacije u trenutku primopredaje robe, Dobavljač je dužan da uvaži i u najkraćem mogućem roku otkloni nedostatke.

## OSNOVNE OBAVEZE DOBAVLJAČA

### Član 8.

- 6 dodatnih klijentskih licenciza pravo korištenja geoinformacijskog sistema;
- isporuka licenci za komercijalnu (standard) verziju baze podataka (6 dodatnik licenci) s podrškom za prostorne podatke za korištenje unutar geoinformacijskog sistema;
- 30 – dnevnu korisničku podršku bez ograničenja (po implementaciji) koja obuhvata sve vrste stručne pomoći putem udaljenog pristupa računaru korisnika, konsultacija putem telefona, e-mail-a, fax-a i zahvate na bazi podataka.

### Član 9.

Redovno održavanje podrazumijeva obavezu Dobavljača da za vrijeme trajanja ugovora o održavanju osigura:

- korisničku podršku putem udaljenog pristupa računara korisnika;
- stručna pomoć kao što su telefonske konsultacije, konsultacije putem mail-a, fax-a;
- informacije korisnika o novim verzijama IS, uz pravo prelaska na novu verziju ili besplatno (u slučaju unapređivanja već postojećih modula) ili po povlaštenim uslovima (u slučaju razvoja potpuno novih modula);
- osnovnu administraciju baze podataka (uključuje pomoć korisniku pri izradi sigurnosnih kopija, ažuriranje indeksa i statistika RDBMS-a potrebnih za optimalno izvršavanje upita nad bazom podataka).

### Član 10.

Dobavljač nije ovlašten da zaključuje podugovore sa drugim licima u cilju realizacije ugovornih obaveza bez prethodnog pismenog odobrenja Ugovornog organa.

## OSNOVNE OBAVEZE UGOVORNOG ORGANA

### Član 11.

Ugovorni organ se obavezuje da osigura sredstva za plaćanje, u skladu sa načinom plaćanja (definisano članom 4. ovog Ugovora).

Obaveze Ugovornog organa je da Dobavljaču omogući uslove za nesmetanu instalaciju koja podrazumijeva adekvatnu hardversku konfiguraciju, te adekvatno i korektno konfigurisan operacijski sistem.

Obaveza Ugovornog organa je da redovito izrađuje i pohranjuje sigurnosnu kopiju podataka (backup), koju će po potrebi Isporučitelj upotrijebiti za rekonstrukciju baze u slučaju kvarova opreme čija je posljedica gubitak podataka.

Obaveza ugovornog organa je da Dobavljaču osigura tehničke uslove za rad udaljenog pristupa računaru (veza na Internet).

## RASKID UGOVORA

### Član 12.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne isporuči robu kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora;

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorene strane su saglasne da ni jedna strana drugoj neće dugovati nikakvo obeštećenje niti nadoknadu i da će u svemu izmiriti međusobne obaveze.

## RJEŠAVANJE SPOROVA

### Član 13.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorene strane ne postignu dogovor o spornim pitanjima, za rješenje spora nadležan je sud u Sarajevu.

## ZAVRŠNE ODREDBE

### Član 14.

Ugovorne strane su saglasne da sve što nije regulisano ovim Ugovorom primjenjuju se važeće odredbe Zakona o obligacionim odnosima.

### Član 15.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana.

### Član 16.

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka a ostala 2 /dva/ Dobavljaču.

#### UGOVORNI ORGAN:

KJKP „POKOP“ d.o.o. Sarajevo



izv.dir. Asmir Hodžić - 1 Direktor Goran Cerić

#### DOBAVLJAČ:

"AXIOM" d.o.o. Čakovec



Direktor, Jerko Spanija

Broj, 0602-1876-20/19  
Sarajevo, 07.08.2019. god.

Broj, \_\_\_\_\_ / \_\_\_\_\_  
Čakovec, 2008.2019. god.

Handwritten text, possibly bleed-through from the reverse side of the page.